



大日本史卷之四十六

本紀第四十六



權中納言從三位源光圀

男權中納言從三位綱條

玄孫權中納言從三位治保重校

鳥羽天皇

鳥羽天皇諱宗仁堀河帝長子也母贈皇太

后藤原氏康和五年正月十六日丙申生于

左少辨藤原顯隆五條第

本朝世紀外記
皇年代略記百

鍊未幾失恃、白河法皇迎入宮、本朝世紀、六

月為親王、八月立為皇太子、百鍊鈔、一長治

二年十月、著袴於內大臣源雅實土御門第、

歷代皇紀、皇年代略、嘉承二年七月十九日

癸卯、堀河帝崩、法皇詔皇太子嗣位、中右記、

略記、以關白右大臣忠實攝政、公卿奉劔璽於

大炊殿、中右記、是日皇太子踐阼、中右記、百鍊

記、左大臣源俊房、內大臣兼左近衛大將源

雅實、權大納言兼右近衛大將藤原家忠、並

如故、公卿補任、二十四日戊申、葬堀河天皇、

一代要記、歷代皇紀、帝冬十月十八日庚午、

卜石清水宮怪異、北野社樹僵于軒廊、二十

一日癸酉、敕課諸國修八省、法皇使僧修千

日講、是月炎旱、井涸、閏月十六日戊戌、卜感

神院釜鳴于軒廊、十一月壬子朔、日南至、當

食、陰雲不見、三日甲寅、公卿表賀、十七日戊

辰、罷豐明節會、中右記、二十九日庚辰、敕詔曰、

珠緯連輝、明王受延祚之祥、銅管正律、指后

大日本史 卷四十一 本紀 三

顯履長之慶是以圓丘迎日賀南至於一隅
 靈臺觀雲懷子來於萬國誠是上協天符下
 從人望者也朕以小量嗣承大統齡在幼年
 遙謝徇齊之德政委姬旦更思成周之風廼
 者公卿奏言謹按曆日十一月壬子朔且冬
 至經列聖而難值鍾治世而偶來又或替翌
 日之舊儀或議陰暄之新瑞童蒙之心少未
 有識庸昧之質獨何當仁豈非祖宗靈睠臣
 佐保持之所致乎抑孝行存誼禮制難踰縱

停飮宴於蒸蒸之誠何忘福應於蒼蒼之貺
 須與兆庶享斯休徵可赦天下但常赦所不
 免及久負官物之類不在赦限敘爵賜物一
 準恒典庶感中黃之達萌陽以答上玄之降
 嘉祉續本朝文粹十二月壬午朔天皇即位于大
 極殿時年五歲中右記一代要記歷代皇紀禮畢還大炊
 殿是日尊準母令子內親王曰皇后九日庚
 寅徙御六條殿中右記十三日甲午追尊所生
 女御藤原氏曰皇太后中右記百鍊鈔十七日戊戌

大日本史 卷四十六 本紀 二

卜大神宮怪異於軒廊二十八日己酉又卜日吉社怪異先是隱岐流人源義親逃至出雲殺目代掠官物中右記至是救因幡守平正

盛討之中右記東鑑治承四年

天仁元年戊子春正月以諒闇停諸節會中右記

記源義親伏誅二十九日庚辰但馬守平正

盛持義親首入京師中右記百鍊鈔一代要記歷代皇紀帝王編年

記二月十一日壬辰卜賀茂下社狐鳴於軒

廊十七日戊戌又卜太宰府怪及日吉八王

子神殿鳴動犬屢登神殿中右記二十二日癸

卯遣使山階柏原嵯峨深草後田邑後山階

村上香隆寺宇治諸陵及後宇治墓告即位

中右記朝野羣載三月二日壬子奉幣日吉社十六

日丙寅卜賀茂社樹枝墜川合住吉二社狐

鳴於軒廊二十三日癸酉延曆寺園城寺僧

徒數千訴以東寺僧為尊勝寺灌頂阿闍梨

○一代要記歷代皇紀作二十四日甲戌震

六條堀河一奴震死二十九日己卯發大奉

幣使庚辰晦奉幣二十二社夏四月辛巳朔
延曆寺僧徒數千擐甲奉日吉神輿入京敕
遣檢非違使及源平兵士數萬禦之二日壬
午法皇遣使諭之僧徒奉神輿還山鈔○百鍊
一代
要記係十一日辛卯遣使宇佐二十四日甲
辰卜伊勢豐受宮鹿死及賀茂社感神院高
良社怪異於軒廊二十八日戊申奉幣伊勢
石清水賀茂住吉日吉祇園是月京師多盜
五月庚戌朔日有食之七日丙辰免輕囚六

月庚辰朔有白雲二道亘天廿二日辛卯卜
賀茂社震動及住吉感神院怪異於軒廊廿
四日癸巳雨雹震延曆寺十七日丙申奉幣
賀茂住吉祇園二十三日壬寅慶金字法華
經仁王經於賀茂社中右記秋七月七日乙卯
廢醍醐皇后藤原氏國忌置贈皇太后國忌
中右記百鍊鈔○十八日丙寅修不動法於
年中行事係六月仁壽殿七日中右記○仁和寺八月二日巳
卯祈晴丹生貴布禰中右記朝三日庚辰改

元中右記百鍊鈔一十五日壬辰卜盾列池

後陵池上陵鳴於軒廊中右記歷免輕因百

餘人二十日丁酉遣使盾列二陵卜諸所鳴

動於軒廊中右記二十一日戊戌自小六條殿

徙御大内行類鈔九月十日丁巳興福寺僧徒

登多武峯燒堂塔民舍百鍊鈔作十一日二

十三日庚午多武峯鳴動先是上野言自七

月至是月麻間峯焚沙礫灰燼埋沒田園是

日卜之軒廊冬十月四日庚辰天皇始拜于

石灰壇六日壬午以災異屢見非常赦但伊

勢石清水所訴者不在赦限中右記二十一日

丁酉御禊中右記二十八日甲辰卜定恂

子內親王為齋宮中右記歷代皇十一月四

日庚戌詔減服御常膳中右記八月甲寅卜定

宮子內親王為齋院二十一日丁卯大嘗中右

炊殿歷代皇紀二十八日甲戌自大内還御大

二十日乙未還宮中右記皇太后御

大日本書紀

二年己丑春正月以贈皇太后忌月廢蹈歌

節會百鍊鈔二月二十五日庚子修法華八講

於吉祥院著為恒典年中行事根源是月左衛門

尉源義忠為其從者所殺廷議疑美濃守源

義綱男義明及瀧口藤原季方所為敕檢非

違使源重時誅義明等百鍊鈔帝王編年記

紀一代要記並係元年義綱亡據近江甲賀山遣源為

義討之義綱降流之佐渡百鍊鈔尊卑分脈三月八

日壬子以天變地殃遣權中納言藤原宗通

於伊勢奉宸筆宣命於大神宮伊勢公卿夏

四月二十七日辛丑覲法皇體源鈔秋七月甲

辰朔自大炊殿遷御內裏百鍊鈔九月二十一

日壬戌還大炊殿百鍊鈔園太曆文和二年


天永元年庚寅春正月豐受大神宮心柱倒

百鍊鈔二月三日壬申遣權中納言藤原宗通

於伊勢奉宸筆宣命於大神宮伊勢公卿二

十二日辛卯覲法皇于六條殿體源鈔○公

日十五三月四日壬寅雨雪尺餘寒如冬百鍊鈔○百



為五十九日丁巳省試永昌夏五月十三日

辛亥彗星見東方百鍊鈔○中右記長六月

四日辛未修孔雀經法於鳥羽宮禳彗星和仁

寺御傳東寺丁酉晦修七佛藥師法於禁內

後愚昧記秋七月十三日庚戌改元公卿補

鈔帝王編年記東寺長者補任○一代要丁

卯晦以僧靜實埋蠱藤杜社咒詛朝廷處流

冬十一月乙丑朔伊勢內宮心柱倒百鍊鈔十

二月七日辛丑遣大納言源俊明於伊勢奉

宸筆宣命於大神宮伊勢公卿十七日辛亥

最勝寺成拾芥是歲夏秋之交洪水飢饉山槐

記治承二年

二年辛卯春正月十九日壬午法皇使一千

僧讀經法勝寺○本書長承元年正月二十

不載其肇於何年考年中行事正月載法勝

寺千僧御讀經亦無原始蓋白河帝在位之

日既為恒式乎檢諸舊記此後至崇德近衛

書朝春間必有此事其為恒例可知故此後不二十一日甲申卜石清水宮有死人於軒

廊中右二月甲午朔觀法皇于六條殿中右

記秋五日戊戌白雲二道亘天中右記十一日甲

辰行幸春日社中右記長秋記十二日乙巳還

御鳥羽宮十四日丁未還宮中右記二十一日

甲寅怪雲亘東西二十三日丙辰以大炊殿

有怪遷御內裏壬戌晦按本書作辛酉法皇

謁石清水宮三月十三日乙亥白雲二道亘

天中右記十五日丁丑賭射中右記卜齋院有

死蛇於軒廊二十七日己丑地震夏四月九

日辛丑大風雨伊勢外宮門垣及賀茂齋院

館舍倒春日社樹七十餘株僵十二日甲辰

卜之軒廊二十七日己未徙御內大臣源雅

實土御門第五月壬戌朔免輕囚百人九日

庚午奉幣二十二社二十五日丙戌再卜伊

勢怪異及齋院有死蛇於軒廊六月五日丙

申奉幣大神宮中右記秋七月十六日丁丑雩

于神泉苑永昌記二十七日戊子祈雨丹生貴

布禰永昌記八月十八日戊申祈晴丹生貴

布禰二十八日戊午修百座仁王會於紫宸

殿九月三日癸亥興福寺僧與東大寺僧鬪
 四日甲子興福寺僧燒東大寺民戶十五日
 乙亥修放生會以石清水神人與賀茂神人
 鬪延及于此中右記二十日庚辰自土御門第
 徙御賀陽院中右記園太和二年二十三日癸未非
 常赦但伊勢石清水所許者不在赦限冬十
 月六日乙未卜賀茂社出雲杵築社太宰府
 竈門社怪異於軒廊十一月十九日戊寅下
 野守源明國坐殺人流于佐渡中右記十二月

十四日壬寅始讀書中右記長秋記戊午晦

免輕囚六十餘人中右記

三年壬辰春二月十一日戊戌觀法皇于六

條殿十二日己亥還宮中右記十七日甲辰慶


石清水塔中右記百鍊鈔三月十六日癸酉詣六條

殿賀法皇壽六十中右記百鍊鈔一代要記十八日乙亥

還宮中右記夏五月廿三日己巳賀陽院火百鍊鈔

鈔吉部徙御六條殿百鍊鈔六月十九日甲辰

造大炊殿園太和二年冬十月十九日癸卯大



炊殿成徙御焉

中右記百鍊鈔園太曆貞和二年

是月伊豆

海上有火光鳴如雷聲聞京師踰月不止十

一月二日乙卯卜豐受大神宮怪異於軒廊

七日庚申卜川合社火八日辛酉奉幣賀茂

社十二日乙丑卜川合社有光于軒廊

中右記

十八日辛未攝政忠實罷右大臣

中右記公卿補任

二十七日庚辰修百座仁王會於紫宸殿卜

伊豆海火於軒廊

中右記

十二月十四日丁酉

以忠實為太政大臣攝政如故

中右記公卿補任一代要

記十九日壬寅車駕從法皇幸鳥羽慶多寶

塔

○百鍊鈔作鳥羽堂

二十五日戊申免輕囚二十七

日庚戌自大炊殿徙御內裏

中右記

永久元年癸巳春正月甲寅朔天皇加元服

於紫宸殿

長秋記百鍊鈔一代要記紫宸殿據長秋記

八日辛酉

觀法皇於六條殿

長秋記體源鈔

還御大炊殿

長秋記

二月痘瘡大行

歷代皇紀○百鍊鈔作赤斑瘡

三月四日乙

卯以武藏人橫山隆兼殺愛甲某敕常陸相

模上野下總上總國司討其黨二十餘人

長秋

記、按本書隆兼書橫山黨、不載其名、二十

日癸酉、移藏堀河帝御骨於仁和寺圓融院、

長秋記、閏月壬午朔、修五壇法於內裏、仁和寺御

傳十六日丁酉、以怪異疾疫、遣權大納言藤

原宗通於伊勢、奉宸筆宣命於大神宮、長秋記、伊

勢公卿、二十日辛丑、興福寺僧徒五千、奉春

日神木、抵勸學院、訴佛匠圓勢補清水寺別

當、二十二日癸卯、敕以僧永緣為別當、諭僧

徒還寺、長秋記、外夏四月辛亥朔、延曆寺僧

徒二千餘毀清水寺堂宇、奉祇園北野神輿、

詣大炊殿、訴興福寺僧陵辱祇園神人、參取中右

記、長秋記、百鍊使檢非違使源光國、平正盛、

左衛門尉源為義、率兵禦之、法皇諭僧徒還

山、長秋記、自是二寺仇視、將構兵相攻、京師騷

擾、十二日壬戌、敕二寺和解之、僧徒不奉詔、

中右十四日甲子、攝政忠實罷太政大臣、公卿

補任、一十五日乙丑、奉幣伊勢以下七社、中右

記、要記、二十五日乙亥、奉幣春日大原野吉田、二

十七日丁丑奉幣石清水竝禱弭僧徒鬪亂

中右記外 己卯晦興福寺僧數千將攻延曆

寺遣檢非違使平正盛平忠盛源重時於宇

治邀之戰于栗前山破走之遣檢非違使源

光國左衛門尉平盛重於西坂下邀延曆寺

僧徒中右記栗前山據僧徒既入京屯於祇

園中右記是日卜日吉社怪異於軒廊中右

五月庚辰朔僧徒還山一代要記六月十日

己未春日山鳴社有光十八日丁卯奉幣春

日社中右秋七月十三日辛卯改元長秋記

百鍊鈔公卿補赦天下八月四日壬子大風

雨伊勢內宮殿舍門垣倒月讀宮伊雜宮壞

長秋十八日丙寅修孔雀經法於內裏仁和寺御

傳二十日戊辰大風平野社樹僵九月七日

乙酉以不豫大赦法皇遣使石清水賀茂獻

神寶於大神宮修法禱之冬十月五日癸丑

疾瘳臨弓場始十一日己未行幸松尾社十

七日乙丑行幸北野社長秋十二月二十二

日己巳、僧仁寬坐謀不軌、流于伊豆、源百鍊鈔盛

衰記、二十六日癸酉、忠實改攝政為關白、一要代

百鍊鈔、公卿補任、

二年甲午、春正月戊寅朔、天皇初行四方拜、

以物忌停小朝拜、五日至午始臨敘位、中右記

二十七日甲辰、遣權中納言藤原宗忠于伊

勢、奉宸筆宣命神寶於大神宮、中右記、伊勢公卿敕使例

二月三日己酉、大風、春日社樹三百餘株僵、

十日丙辰、覲法皇于六條殿、置酒燕樂、帝親

吹笛、十一日丁巳、還宮、十四日庚申、禁京師

民間服摺衣及博奕、中右記二十一日丁卯、始

修法於蓮華藏院、著為永式、年中行事二十七日

癸酉、以盜賊公行、修仁王講于左右獄、中右記


夏五月八日壬午、修孔雀經法於土御門內

裏、仁和尚寺御傳、孔雀經御法記十六日庚寅、免輕囚、十七

日辛卯、重敕檢非違使、逮捕服摺衣者、及盜

賊博徒、六月八日辛亥、奉幣祈晴、十三日丙

辰、卜賀茂社有死蛇於軒廊、十九日壬戌、地



震秋七月六日己卯院宣延曆寺禁僧徒帶

兵仗八月癸卯朔奉幣稻荷社中右記是日伊

勢大風豐受宮千木折門垣倒中右記二日

甲辰內宮荒祭宮千木折中右記三日乙巳大

炊殿火中右記百鍊鈔帝王編年記天皇避之從四

位上藤原長實萬里小路第中右記八日庚

戌遷御六條殿十四日丙辰卜伊勢風災於

軒廊二十二日甲子奉幣八社中右記冬十月

壬寅朔中宮崩中右記百鍊鈔一代要記十一月

五日丙子遣權中納言源能俊於伊勢奉宸

筆宣命於大神宮中右記伊勢公卿敕使例十四日乙酉

謁石清水宮二十三日甲午行幸賀茂社中右

記二十九日庚子車駕從法皇幸白河慶蓮

華藏院中右記百鍊鈔吉三年蓮華藏院據百鍊鈔承安非常赦十

二月八日己酉始臨內侍所神樂二十九日

庚午卜伊勢賀茂怪異於軒廊是歲京師盜

起公行劫掠南海道海賊剽竊貢調都鄙騷

擾中右記

三年乙未春二月十一日辛亥觀法皇於白

河殿續教訓鈔夏四月二十八日丁卯以内大臣

源雅實為右大臣公卿補任代要記大納言藤原忠

通為内大臣公卿補任代要記五月十四日

癸未鷹司洞院東大路地陷鈔百鍊二十一日

庚寅卜豐受宮千木折於軒廊中右記長承元年上卿故

實秋八月二十五日壬戌自六條殿遷御土

御門内裏鈔百鍊冬十一月二十六日辛卯大

炊殿成徙御焉百鍊鈔園太曆文和二年

四年丙申春二月十九日癸未觀法皇體源鈔

三月十三日丁未大學助源高行坐傷人流

於安藝夏五月十六日己酉廷議宋牒至及

阿蘇社火六月二十日壬午慶賀茂社多寶

塔賽宿禱鈔百鍊秋七月十二日癸卯下新制

七條朝野羣載八月十七日戊寅大炊殿火遷御

土御門第百鍊鈔○寺社雜冬十月二十八

日戊子法皇幸熊野百鍊鈔熊野略記○中

十六日諸書還宮日闕

五年丁酉春正月八日丁酉法成寺東西塔

南大門及證菩提院火十三日壬寅祇園少

將井神殿火鈔百鍊三月二日庚寅造土御門

殿和園太曆貞七日乙未觀法皇鈔體源十五日

癸卯遣右大臣源雅實於伊勢奉宸筆宣命

於大神宮伊勢公卿夏四月二十日戊寅遷

御三條室町和園太曆文五月五日壬辰先是

有僧詐稱源義親依越後人平永基是日敕

永基捕送之朝野羣載二十九日丙辰觀鬪雞鬪

草鈔百鍊是月法皇幸熊野一代要記○秋八

月二十九日甲申謁石清水宮和園太曆文九

月丙戌朔大風拔木發屋十四日己亥二條

堀河皇后宮火鈔百鍊冬十月二十日丙子法


皇幸熊野中右記大治二年○按百鍊鈔曰

御願塔蓋至十一月猶在熊野山供養

慶白河塔鈔百鍊十一月十日甲午土御門殿

成徒御焉曆貞和二年二十一日乙巳省試

朝野羣載十二月十七日庚午以藤原璋子為女



御女院傳

元永元年戊戌春正月二十三日丙午修百

座仁王會於紫宸殿中右記二十六日己酉立

女御藤原璋子為中宮中右記二月九日

辛酉大和社次中右記十日壬戌觀法皇于

白河殿二十六日癸酉使一千僧讀經法勝

寺三月十九日辛丑以三合厄按本書三合厄作凶年今

據伊勢公非常赦但伊勢石清水所訴者不

在赦限二十七日己酉策試二十九日辛亥

省試中右記是月宋主趙佶付海商送書歷代皇紀

帝王編年記付海商據善隣國寶記夏四月三日乙卯改元中右

記百鍊鈔公卿補任歷代皇紀赦中右記九日辛酉以三合星

變疾疫遣中納言源顯通於伊勢奉宸筆宣

命於大神宮伊勢公卿十二日甲子祈晴丹

生貴布禰二十八日庚辰卜高良宮有蛇鏡

宮寺門鏡見杵築社鳴動於軒廊五月二十

四日乙巳卜大和社火于軒廊中右記六月霖

雨河水泛溢人多溺死百鍊鈔秋八月九日己

未、京師飢、法皇賑給之。中右記、百鍊鈔十二日壬戌、

卜豐受宮忌屋殿蟲生于軒廊、二十三日癸

酉、使一千僧讀經法勝寺、二十七日丁丑、以

蟲怪奉幣大神宮、九月二十二日辛丑、奉金

銀幣於大神宮、閏月六日乙卯、以法皇將幸

熊野、免輕囚九十餘人、七日丙辰、法皇幸熊

野、十九日戊申、卜賀茂社狐鳴于軒廊、二十

三日壬申、七條火、延燒十餘町、冬十月五日

癸未、法皇至自熊野。中右記十二月十七日甲

午、慶最勝寺、車駕臨幸。百鍊鈔、帝王編、年記、元享釋書

二年己亥、春二月壬戌、戊寅、右大臣源雅實

罷左近衛大將。公卿補任為六日壬午、內

大臣藤原忠通兼左近衛大將。中右記、公卿補任、一代要

記、十一日丁亥、觀法皇于白河殿、三月八日

甲寅、卜伊勢内外宮有穢于軒廊、是春天下


飢饉、民多死亡、京師盜起、殺人行火、夏四月

九日甲申、祈雨丹生貴布禰。中右記十四日己

丑、仁和寺火。中右記、長秋記、一代要五月六

日辛亥、使備前守平正盛索捕盜賊、九月甲寅、卜豐受宮御白殿忌屋殿生異蟲于軒廊、十四日己未、使平僧讀經延曆寺、穰疾疫、二十日乙丑、卜豐受宮并臭于軒廊、二十七日壬申、疏神泉苑池祈雨、中右記六月十九日甲午、以皇子顯仁為親王、中右記、長秋記、百鍊鈔、一代要記、是夏旱、中右記、長秋記、秋七月十日甲寅、澍雨、十八日壬戌、卜豐受宮蟲怪、平野社鳴于軒廊、八月月霖、中右記十七日辛卯、觀舞樂、長秋記二十七

日辛丑、祈晴丹生貴布禰、九月二十七日庚午、法皇幸熊野、冬十月十五日戊子、法皇至自熊野、中右記十一月癸卯朔、賀茂社火、廢朝三日、中右記、長秋記、百鍊鈔、帝王編年記、二月甲辰、夜大風雨、北方有光、中右記、辰、今推干支訂之、庚十六日戊午、奉幣賀茂、中右記、長秋記、二十八日庚午、輔仁親王薨、中右記、長秋記、歷代皇紀、保安元年庚子、春二月二日癸酉、觀法皇於三條烏丸亭、二十日辛卯、謁石清水宮、二十



六日丁酉行幸賀茂社三月十五日乙卯使

一千僧讀經法勝寺中右記夏四月十日庚辰

改元中右記百鍊鈔一十九日己丑堀河院

火中右記百鍊鈔二十一日辛卯遣大納言藤原家

忠于伊勢奉宸筆宣命神寶於大神宮中右記伊

勢公卿是月園城寺與延曆寺爭大津地界

毀日吉鳥居中右記百鍊鈔法皇使公卿議其曲直

諭僧徒建鳥居六月八日丁丑奉幣石清水

賀茂平野稻荷十六日乙酉奉幣大神宮二

十八日丁酉非常赦秋七月十七日乙卯修

孔雀經法於神泉苑祈雨中右記二十一日己

未左近衛少將藤原實衡毆兵部大輔藤原

資信於殿上除實衡籍譴責資信八月二十

三日辛卯興福寺僧徒春日神人奉神木抵

勸學院訖和泉守雅隆中右記陵辱神人中右記

鍊鈔參取一代要記法皇敕罷雅隆諭僧徒還

寺戊戌晦卜宇佐宮怪異於軒廊冬十月戊

辰朔日有食之使一千僧讀經延曆寺三日

庚午、法皇幸熊野、二十二日己丑、至自熊野、十一月七日甲辰、卜大神宮有死穢於軒廊、中右記、十二日己酉、法皇罷關白忠實、內覽文書、中右記、公卿補任、○愚管十四日辛亥、有鹿入北野社、十二月丁卯朔、石清水宮鳴動有光、二日戊辰、卜北野怪於軒廊、十四日庚辰、奉幣北野、二十日丙戌、夜大風雨有光、是月木幡山陵鳴、中右記、

二年辛丑、春正月十七日癸丑、復關白忠實

內覽文書、公卿補任十九日乙卯、左大臣源俊房

罷、一代要記二十二日戊午、關白忠實罷、公卿補任敕

內大臣藤原忠通、內覽文書、公卿補任、一代要記、百鍊鈔、

二月二十九日甲午、觀法皇、公卿補任、三月

五日庚子、以內大臣藤原忠通為關白、公卿補任、

一代要記、百鍊鈔、十一日丙午、關白忠通罷、左近衛

大將、十二日丁未、大納言兼右近衛大將藤

原家忠轉左近衛大將、權大納言源有仁兼

右近衛大將、公卿補任二十六日己未、廷議報牒

于宋夏五月二十七日庚申延曆寺僧徒燒
 觀音院一乘寺閏月三日丙寅又燒園城寺
 堂宇蕩盡百鍊鈔○一代要記秋八月二十
 九日辛酉遣權中納言源能俊于伊勢奉幣
 於大神宮二所大神宮例文九月六日戊辰廷議伊
 勢洪水漂豐受宮正殿下天平瓮百鍊鈔冬十
 月二十八日己未行幸春日社一代要記十一月
 十二日癸酉前左大臣源俊房薨公卿補任一代要記
 帝王編年記

三年壬寅春二月十日己亥觀法皇體源夏
 五月十四日辛未白河善勝寺有蛇生足秋
 七月二十二日戊寅大學寮孔廟壞百鍊鈔冬
 十二月六日辛卯遣參議藤原實行於伊勢
 奉宸筆宣命於大神宮二所大神宮例文○伊勢公卿敕使例係
 年二十五日庚子置灌頂于最勝寺百鍊鈔○一代要記元
 亨釋書十七日壬寅以右大臣源雅實為太政
 大臣關白內大臣忠通為左大臣大納言兼
 左近衛大將藤原家忠為右大臣權大納言

兼右近衛大將源有仁為內大臣

永昌記、公卿補任、一

代要記

四年己卯春正月五日己未、觀法皇體源二

十八日壬午、立顯仁親王為皇太子、是日天

皇禪位於皇太子

百鍊鈔、一代要記、歷代皇紀

二月上尊

號曰太上天皇

一代要記、歷代皇紀

徙御三條烏丸、尋

遷白河殿、六月、遷于二條東洞院新宮

百鍊鈔

是後或御白河殿、三條西殿、又御白河北殿

中右記、百鍊鈔

每遊幸、與法皇同車

今鏡、神皇正統記

舊例

法皇車無隨身、而以同車故、儀衛如式今鏡天

治元年二月、從法皇幸白河、觀郊外雪、內大

臣源有仁以下騎馬扈從

百鍊鈔

上皇烏帽直

衣、御馬前行、嗟峨、上皇遷于嗟峨院、御馬而

出、爾後始有此舉

神皇正統記

閏月、從法皇幸法

勝寺觀花、後宮嬪御悉乘飾車、攝政忠通太

政大臣雅實以下公卿扈從、前驅後乘、衣服

綺靡、盡美競華

今鏡、百鍊鈔、帝王編年記

還過白河殿、飲

宴、命羣臣作和歌、盡歡而罷

今鏡、百鍊鈔、古今著聞集十

月幸高野山野百鍊鈔高大治元年十一月從

法皇幸熊野十二月又與法皇同車觀雪攝

政以下從焉鈔百鍊出歷西山舟岡上皇衷深

紅被直衣騎馬而前鏡今二年二月從法皇幸

熊野中右十月從法皇幸高野山鈔百鍊四年

七月法皇崩上皇居喪哀容過節台記天其

後上皇專理萬機一効法皇今鏡保天承元

年二月幸熊野兩院熊野長承元年創得長

壽院置觀音像一千軀三月臨幸慶之賜導

師天台座主忠尋穀一千石錢一千貫沙金

一千兩施物無算源平盛保延二年三月幸

熊野九月慶金字五部大乘經於石清水百鍊

鈔三年七月致書崇德帝辭尊號封戶隨身

續本朝文粹○一代六年十月慶春日社五

層塔儀準御齋會鈔百鍊永治元年三月薙髮

法名空覺今鏡百鍊鈔一代修佛事五十日

多嚫僧徒施食鳥獸今鏡及崇德帝禪位稱曰

一院崇德帝曰新院保元康治元年五月幸

柰良受戒於東大寺、又受戒於延曆寺、

台記、百鍊

鈔○元亨釋書係二年

屢與新院御樓船遊于宇治、或

同車遊幸京外、天養元年三月、幸熊野、十月

幸延曆寺、令一千僧讀經、久安二年九月、幸

四天王寺、修舍利會、三年三月、幸熊野、九月、

幸四天王寺、修萬燈會、四年二月、幸熊野、

台記

九月、幸四天王寺、念阿彌陀佛名一百萬遍、

台記、續教訓鈔、歲以為常、續教訓鈔、六年三月、與美福門

院、幸熊野、台記、仁平三年二月、幸熊野、慶金字、

大藏經、百鍊鈔

久壽元年七月、徙御鳥羽新宮、

前太政大臣忠實獻紙一千帖、布一千端、米

一千斛、二年八月、不豫、台記、保元元年七月二

日辛丑、法皇崩于鳥羽安樂壽院、年五十四、

是夜葬于安樂壽院塔、以擬山陵、百鍊鈔、一代要記、帝

王編年記、皇代記、是置國忌、仁和寺稱鳥羽

院、帝王編年記、○按保元物語曰、久壽二年

自帳中出手、反覆示之、法皇不悟、命巫降神、

神憑之曰、帝壽不可過、明年之秋、而後天下

崩、覆當如此、手及期、果得病、遂不命、醫療而

大日本書紀

卷四十一

本系

三十五

不豫冬間不載幸熊野且事涉怪誕故不取天皇嘗受帝範於菅

原在良又通天文記台善歌催馬樂精于音律

最善吹笛秘參取台記鏡禁其幸四天王寺羣臣

奏管絃天皇親吹笛謂侍臣曰沙門吹笛恐

取嘲笑因以障子蔽座台記古今人感其音

調記台嘗定樂十曲讚極樂土每月奏之名十

樂講訓續教平生供佛施僧其費不可勝計涉

覽古記博通典故記台嘗曰任檢非違使別當

者當兼備重代才幹成敗容儀進退富有六

事不則不得與職談古事好修容儀源有仁亦

好修飾一時化風凡朝服嚴稜烏帽有額皆

始于此時神皇正統記然戒臣庶奢侈嘗御烏羽

南院修法會見童子服貼金衣謂攝政忠通

曰美服朕所不喜忠通請下檢非違使罪之

天皇曰釋之勿問第通告羣下使知此意好

色多内嬖又耽男寵記台前後有三女院美福

門院最被幸以所出體仁親王為崇德帝儲

貳逼使讓位是為近衛帝及近衛帝升遐崇

德上皇有復位之志、天皇與美福門院關白
 忠通謀、立後白河帝、以其子守仁親王為皇
 太子、於是崇德上皇大失望、陵土未乾、遂致
 保元之亂、參取今鏡、愚管讓位之後、凡三十
 四年、決政院中二十八年、保元物鏡、故後世舉
 仙院典章、稱白河鳥羽二帝、神皇正統記

大日本史卷之四十六終

